

## Туста дөнъгән кўрглгън

Яшкульск района „Лиман-ный“ совхозин 4-ч номертә фермд хадси өвси цаглагъан овалгдл уга, хадлгън, оваллгън хойран хоорндик заг гарв. 600 гектар газрт хадси өвси овалгдл уга үлддж. Эи гарси заагиг уурулхин эркд 4-ч номертә фермин управляющ коммунист ўр Дорджиев Церен амтс цуглулад, июль сарин 13-д хург кегъад, цугтан, нег кўн үлдл уга воскресникд гарцхадж, эн заагиг уурулхми гидж тәр тәвб.

Фермд кōдлдг улс энүг цугтан зōв гилдцхәдж, июлин 14-д воскресникд гарцхав. Цуг бийнь 21 кўн кōдлмшт гарцхадж, 600 гектар газрин өвсиг овалв.

Комсомольщир Гакиев Гарә, Оголов Аркадий, багъчуд—Дорджиев Сергей, Болдырева Таисия, Мерчиева Ольга, Манжиева Валентина, Бадмаева Александра, Дорджиева Мария болн нань чиги багъчуд эн воскресникд йилгъән сәәнәр кōдлцхәв.

В. ШЕПИЛЛО.